



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Angelo Cvstode R. P. Francisci Albertini Soc. Iesv Theologi

Albertini, Francesco

Coloniae Agrippinae, M.D.C.XIV

Cap. 19. Quot nominibus Angelo custrodi obstricti simus & præcipuè, qua
ratione meretur non tantum amari vt custos verum etiam timeri vt
minister diuinæ Iustitiæ.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

Hier. in
c. 30. Ierē
Basil.
Psal. 33.

Aug. So-
liloq. c.
27.

Tandē fact⁹ es per peccata tua, ve-
lut Sanctus Hieronymus & Basilius
sentiunt putrid⁹ & abiectus vermi-
culus, hostis Dei & amicus Diaboli,
ad cuius partes transgressus es, vt eo
exhilarato, Angelus tuus Custos cō-
tristaretur dicente Sancto Augusti-
no, *Quoties à bono deuiamus, Diabolū
latificamus; & Angelos suo gaudio de-
fraudamus.* Sed reuertere ad eū, nisi
omninò desipis, & considera, quàm
iusto titulo tam nobilem Creatu-
ram & amēs & meruas.

CAPVT. XIX.

*QVOT NOMINIBVS AN-
gelo Custodi obstricti simus; & prae-
cipuè, qua ratione mereatur non tan-
tum amari vt Custos, verum et-
iam timeri, vt minister
Diuina iustitia?*

DIXIMVS quanta ex parte
Angelicorū beneficia expe-
ctari possint: sequitur nūc docendum
quid exigatur à nobis. Cum igitur
diuinæ

diuinæ literæ excitare velint in animis nostris duplicem erga eos affectum, timoris & amoris, vtantur ad hoc propositum duplici symbolo, vno iræ & vltionis, altero gratiæ ac benignitatis; vnde imprimis Angelus ille, qui apparuit Ezechieli, hinc quidem gestasse legitur instrumentum mortis, siue, vt Scriptura nominat, *Vas interfectionis*, inde verò signatus fuisse caractere *Thau*, quem illis imprimeret, qui à dicto vase interfectionis minimè lædendi erant. *Ezech. 9.*

Secundò visus fuit amabili violentia detinere brachium Abrahæ, nè hic filium suum, quod iam ià facturus erat, occideret, *Ne extendas manum tuam super puerum, nec facias illi quicquam.* Et in memoriam clementissimi huius facinoris existimant Doctores aliqui, edificatum fuisse eodem loco Templum Salomonis. Interim tamè negari non potest, posuisse Deum in terrestri Paradiso Cherubim armatum rutilanti gladio, vt primos parentes nostros ab arbore vitæ prohiberet.

Tertio conspicatus est S. Ioannes Angelum, cuius caput Iride (ecce symbolum pacis) circumfusum erat tibiæ autem assimilabantur columnis igneis, quæ iuxta sententiam Andree Cretensis iram ac Iustitiam diuinam denotant. Ad hæc in eodem lapide quo Christus signi-

Zach. 3. catur, Zacharias vidit septem oculos, *Apoc. 5.* Ioannes septem cornua, sed tali differentia, vt illi nos benignè aspicerent, ista secundum rigorem iustitiæ castigarent.

Gen. 19. *Lyr. ibid.* Quarto. Non desitetur, ex Angelis illis, qui in destructione Sodomæ affuerunt, vnum ex communi Hebræorum sententia, particulariter detestatum fuisse ad liberationem Loth, vt ex Sacro textu colligas, vbi scribitur, Loth conuersum ad vnum illorum, eundem Protectorē ac Dominum suum agnouisse. Nihilominus tamen si hic beneuolū sese erga Loth præbuit, alter vlticē ostendit in destructione ciuitatis iracundiam.

Exo. 14. Quinto. Cum Angelus Israelitici ductor populi, de noctu lumen illi mi-

ministrauit, & interdiu umbrosam
 nubem, aliudnè quàm amorem in-
 nuit? At quando extinxit omnia pri-
 mogenita Aegypti, timorem incuf-
 fit. Imò verò docet Lyranus, eandè *ibid. Lyr.*
 columnam, quæ inter filios Israel,
 & hostes Aegyptios interponebatur
 illis quidem lumen præstitisse; his
 verò ad instar opacæ nubis impedi-
 mēto fuisse, quo min⁹ vestigia præce-
 dētū dicti persecutores agnoscerēt.

Sextò. Legimus duos Angelos cō- *Exod. 25.*
 stitisse in duab. extremitatib. Propi-
 tiatorij, quā ex parte benignos se
 mortalibus exhibebāt. Sed ex altera
 describitur Angelus terribilis, & irā
 succēsus contra nos, quando coram
 diuina Maiestate effudit super pec-
 catorum capita ardentes prunas.

Septimò. si representaretur alicui
 Angelus eā specie, quā Ioannes in A- *Apoc. 14.*
 poc. delineauit, Euangelium sc. ma-
 nu tenens, nonnè vt letum nuntium,
 & diuinæ gratiæ ministrum eū sere-
 nā fronte exciperet? At si deinde in
 alia formā prodiret, & cerneret eū-
 dem, vti Dauid *cadentem populum*, *2. Reg. 24.*

H 5 ita

ita vt quinquaginta hominū millia perimerentur, dic, si sufficis, quantum te p̄tinūs adeo seueri diuinæ iustitiæ ministri timor inuaderet?

Bar. T. 3.

Ann.

190.

Otaud. Refertur etiā in Añal. Ecclief. Card. Barō. Romæ visum fuisse Angelū supra molem Adriani Cæsaris strictū ensem placidissimo vultu in vaginam recondentem, vt popul⁹ intelligeret, lethalem morbum, quo vrbs ab aliquo tempore afflictā fuerat, attētis S. Gregor. Papæ precibus cessaturū. Et in perpetuam iucūdisimi huius spectaculi memoriā, deinceps idē Castellū ab Angelo denominatū est. In contrariū tamē in iisdē historijs videre licet, visum fuisse Angelū supra Altare vibrantē euaginatū gladium, quo extremam Angliæ ruinam interminaretur.

Bar. T.

2. Ann.

1601.

Ab. 12.

Vltimo tandē, Angelus erat, quē admodū ex Actibus Apostolicis habetur, qui percussit Herodē, dū purpuratus in folio suo consideret. Sed ō prodigiosum ac tremendum facinus, quando in Castris Assyriorum vnā nocte trucidata fuerunt per aliū

Ab.

Angelum 185. millia hominum, & omnes in cinerem redacti, absq; eo velut Hebræi tradunt, quod continerentur vestimenta eorum, vt ita Israeliticus populus citra vllū mali odoris impedimētū hostiū spolia in potestaté suam redigeret. Quamobrem nō iucundum duntaxat vultum amantissimi huius custodis nostri & ministri misericordię, eiusq; continua beneficia contemplari debemus; verum etiam iratum, & potestatem, quā pollet, vlciscēdi se sicubi clementissimum ipsi⁹ erga nos affectum læserimus.

4. Reg. 19
Lyr. ibid.

Sed obijciat; aliquis, quo pacto igitur Angelum aliquando fortassis à me offensum, placabo? Respondeo insistendum esse vestigijs Manue & vxoris illius, qui, vt in Libro Iudicum notatur, apparenti sibi Angelo obtulerunt sacrificium: ac deinde cognito quod Angelus esset, pleni pauore *corruerūt proni in terram*, & dixit Manue Vxori suę, *Moriemur, quia vidimus Dominum*, id est Angelum; hunc enim, nec immeritò

Quomodo
Angelus
offensus
placari
queat.
Iud. 13,

nuncupabat Dominū suū. Respondit autem sagacissima mulier, *si nos vellet occidere, de manibus nostris holocausta & libamina non suscepisset.* Si itaque læsum Angelicum Custodem tuum placare cupis, ad altare confugiens sacrificium in honorem ipsius Deo offer; quin erige ei proprium altare in templo cordis tui, in quo quotidie non vnū, sed aliquot deuotionis & sanctarum orationum hostiæ consecrentur.

CAPVT. XX.

QUOT MODIS INIRI
*possit sancta quaedam cum An-
 gelo custode familia-
 ritas.*

CUM Custode Angelo nonnunquam familiariter conuersari, & licet & expedit, vt hęc ratione nostra erga ipsum confidentia augeatur; istud absque dubitatione Sanctus Bernardus voluit, cum Auditores suos taliter hortaretur:

*Hebetote familiares Angelos, Fratres mei, & frequentate eos sedula
 & de Ang. cogitatione, & deuota oratione, quia
 sem-*